

# Schäl Sick

Melodie und Text: Bläck Fööss

Quelle: [www.blaeckfoeoess.de](http://www.blaeckfoeoess.de)

Hundert Johr lang häs du jeschlofe  
Häs nur noh links un nie noh rääts jelurt  
Höchste Zick, dat du jetz wach wees  
Un jewahr wees, wat passeet  
Hundert Johr lang nur verachtet  
Nur verspottet, usjelaach  
Hundert Johr lang chemisch dreckig  
Ne Riese reck sich, bal es hä wach

**Hey Kölle, pass op  
Jetzt ändert sich die Zick  
Düx kütt üvver Kölle  
Jetzt es et bal su wick**

**Schäl Sick, Schäl Sick  
Do, wo de Sonn opjeiht  
Schäl Sick, Schäl Sick  
Wo keine Dom em Wääch römsteiht  
Schäl Sick, Schäl Sick,  
Do wo d'r Bletz ensläät  
Ohne Dich es Kölle nur de Hälfte wäät**

Düx, Müllem, Kalk, Poll  
Vings, Ossheim, Roth, Brück  
Flittard, Stammheim, Merheim, Buchheim  
Buchforst, Dellbrück  
Die anderen werden später genannt werden  
Jetzt geht`s erst mal weiter hier

Üvver'm Brachland nur Bagger un Kräne  
Dodraan hätt jestern kei Minsch em Draum jedaach  
Hück ald Arena, Messe Hyatt un Airport  
Och RTL kom rüvver üvver Naach  
En neue Stadt wääs en d'r Himmel  
Op dat jootjeiht, weiß keiner niemols nit  
Doch bei allem Hätz für Klüngel  
Do levve och Minsche  
Verjeßt se nit

**Hey Kölle. ...**

**Schäl Sick ...**

Et es ald immer su jewäse  
Sulang d'r Rhing noh Holland trick  
Die linke Sick, die kräät alles  
Wä nix kräät, dat wor die Schäl Sick... genau, genau!!!!

Alle Rechte liegen beim jeweiligen Interpreten bzw. Verlag.

## **Schäl Sick...**

So, und jetzt begrüßen wir natürlich auch noch die Herrschaften aus  
Dünnwald, Höhenhaus, Höhenberg,  
Humboldt, Gremberg, Königsforst und natürlich Porz  
Mit all seinen vielen Vororten und der  
dazugehörigen Landbevölkerung

Un wat es met Holweide?

Ohne üch es Kölle nur de Hälfte wää

Schäl Sick